

02.12.1906

Gmejska rada wotstroni wustawki dróhotwarskeho přinoška	Gemeinderat kippt die Straßenbaubeitragsatzung
--	---

W léce 1906 je w Radworju 8 króc přez zapalerstwo woheń wudyřił a wulke škody načinił. Tu rozprawa ze Serbskich Nowin z dnja 08.12.1906:

“Wosmy króc je so zańdženu njedźelu (02.12.1906) rano w našej wsy paliło. Posledni čas na najenka tudomneje „herbskeje grychty“, Winkelmanna tukachu, so w Radworju a wokolnosći zapaluje. Sobotu wječor běchu štyrjo žandarmjo do wsy přišli, so bychu herbsku grychtu wobkedźbowali. Wjesni wobydlerjo na druhich městnach stražowachu, dokelž so powědašće, so budže zo sobotu zaso něhdže palić. Njedźelu rano 3 hodžin so jedyn žandarm dohlada, zo so z jednoho kulojtego wokna w swislach wyše rejwanskeje žurle kur wuwaluje. Bórže po tym so płomjo přez třěchu předoby. Dwaj žandarmaj so s chěžnymi durjemi nutř dobyštaj. Korčmarjowa žona jimaj jenož k nuzy zwoblěkana z toža napřečo přiběža, korčmarja pak zwoblěkaneho nadeńdžeštaj. Na łubi so na dwěmaj městnomaj paleše, a so bě so woheń załožił, to sylna bencinowa wón přeradži, kotraž bě so po łubi rozlała. Z toho so wuswětlić hodži, zo je so woheń tak skoku rozšěřił. Na hašenje njebě pomyslić. Rjane masiwne twarjenje, prjedy Polenkecom a nětkole twarcej mašinow Kindermannej w Budyšinje słušaca, so za krótki čas z płomjenjemi do cyła zapusći. Winkel- manna hnydom zajachu. Na njeho tukaju, so je tež wulku knježu pólnu bróžen zapalił. Krótko prjedy hač je z njeje woheń wušoł, je wón nimo njeje z jězdny m kołom jěł. Winkelmann je 28 lět stary a po swěće daloko pobył. Kaž wón wudawaše, je wón w Abesynskej wyšk w tamnišim wójsku był. Hižo w jednej druhej wsy, w kotrejž je wón prjedy bydlil, je so wospjet paliło a su so tež tam na njeho hrěšili, so woheń załožuje. — Ze zwonkownych sykawow Borančanska přenja, Kamjenjanska druha a Łupjanska třěca na hašenje přijědže.”

Njedźiwajcy 28 swědkow njemóžachu jemu na sudniskich jednanjach winu jasnje dopokazać. Tohodla so z přepytowanskej jatby pusći...

Wotpaliło je so: 1. 21.01.1906: Korčma Mikławša Delenka při kěrchowje 2. 01.04.1906: Mišnarjec korčma, wot Domanic wobhospodarjena, (džensa “Meja”) 3. 07.08.1906: Bur-Šmitkec bróžen, domske, Sćapanec bróžen/hródže 4. 17.09.1906: Nawkec bróžen a hródž a fararjec hródže 5. 21.10.1906: Słomjana fajma ryćerkubła 6. 09.11.1906: Pólna bróžen ryćerkubła 7. 03.11. 1906: Winarjec bróžen 8. 02.12.1906: Pólenkec, potom Kindermanec korčma, Winkelmann bě jeje najenk!

From:

<http://82.165.187.122/> - Radibor - Chronik

Permanent link:

http://82.165.187.122/doku.php?id=02.12.1906_brandjahr&rev=1682179198

Last update: **2023/04/22 15:59**

